

16 JUN 2001

AGONG HANTAR PERUTUSAN TAHNIAH KEPADA ICELAND

KUALA LUMPUR, 17 Jun (Bernama) -- Yang di-Pertuan Agong Sultan Salahuddin Abdul Aziz Shah hari ini menghantar perutusan tahniah kepada Presiden Iceland Olafur Ragnar Grimson sempena sambutan Hari Kebangsaan negara itu hari ini.

"Kami dengan penuh rasa gembira ingin mengucapkan tahniah dan ucap selamat semoga Tuan Yang Terutama dikurniakan kesihatan yang baik serta keamanan dan kemakmuran berpanjangan bagi rakyat Iceland," titah Seri Paduka.

Bagi pihak kerajaan dan rakyat Malaysia, Perdana Menteri Datuk Seri Dr Mahathir Mohamad turut menghantar perutusan serupa kepada Perdana Menteri Iceland David Oddsson.

Menteri Luar Datuk Seri Syed Hamid Albar, dalam perutusan kepada rakan sejawatannya Halldor Asgrimsson berkata hubungan antara Malaysia dan Iceland adalah erat dan mesra.

"Saya yakin hubungan setiakawan dan persefahaman yang wujud antara kedua-dua negara akan terus berkembang dan bertambah kukuh bagi tahun-tahun akan datang," katanya.

-- BERNAMA

NHA ES RHM